

仲長統論
物理論
桓子新論
金樓子



圖
十
圖
圖
圖
圖
圖
圖
圖
圖



金

樓

子

梁元帝撰

中華書局

叢書集成初編所選知不足齋叢書及龍威秘書皆收有此書知不足本輯自永樂大典較爲完善故據以排印

金樓子序

先生曰。余於天下爲不賤焉。竊念臧文仲既歿。其立言於世。曹子桓云。立德著書。可以不朽。杜元凱言。德者非所企及。立言或可庶幾。故戶牖懸刀筆。而有述作之志矣。常笑淮南之假手。每嗤不韋之託人。由是年在志學。躬自搜纂。以爲一家之言。粵以凡庸。早賜茅社。祚土瀟湘。舉帷陝服。早攝神州。晚居外相。文案盈前。書幌未輟。俾夜作晝。勤亦至矣。其閒屢事元言。亟登講肆。外陳玉鉉之文。內宏金疊之典。從乎華陰之市。廢乎昌言之說。其事一也。六戒多務。千乘糾紛。夕望湯池。觀仰月之勢。朝瞻美氣。眺非烟之色。替於筆削。其事二也。復有西園秋月。岸幘舉杯。左海春朝。連章擣翰。雖有欣乎寸錦。而久棄於尺璧。其事三也。而體多羸病。心氣頻動。臥治終日。睢陽得善政之聲。足不跨鞍。聊城有卻兵之術。吾不解一也。常貴無爲。每嗤有待。閒齋寂寞。對林泉而握談柄。虛宇遼曠。玩魚鳥而拂叢蓍。愛靜之心。彰乎此矣。而候騎交馳。仍麾白羽之扇。兵車未息。還控蒼兕之軍。此吾不解二也。有三廢學。二不解。而著書不息。何哉。若非隱淪之愚谷。是謂高陽之狂生者也。竊重管夷吾之雅談。諸葛孔明之宏論。足以言人世。足以陳政術。竊有慕焉。老生有言。知我者希。則我者貴矣。有是哉。有是哉。裴幾原。劉嗣芳。蕭光侯。張簡憲。余之知己也。伯牙之琴。嗟綠綺之長廢。巨卿之驥。驅白馬其安歸。昔爲俎豆之人。今成介冑之士。智小謀大。功名其安在哉。蓋以

金樓子序

金樓子爲文也。氣不遂文。文常使氣。材不值運。必欲師心。霞開得語。莫非撫臆。松石能言。必解其趣。風雲元感。儻獲見知。今纂開闢已來。至乎耳目所接。卽以先生爲號。名曰金樓子。蓋士安之元晏。稚川之抱朴者焉。

興王

箴戒

后妃

終制

戒子

聚書

二南五霸

說蕃

立言上

立言下

著書

捷對

志怪

雜記上

雜記下

自序

至正三年癸未歲春二月望日。葉森書於西湖書院大學明新齋。

書金樓子後

嗚呼。文字顯晦之故。夫豈偶然也哉。往余之乞二母雙節詩於周太史書倉也。實介邵君二雲。羅君臺山。越二年丁酉。孫君遲舟入都。余又舉以相屬。己亥孟冬。余客吳興。得遲舟書。則太史贈言。久託臺山郵寄。而臺山踪跡。渺不相知。浮沈之感。寤寐縈迴。將裁書以詢二雲。會二雲之族需葵。至自長洲。言戊戌重九。二雲北上。遇臺山於吳門。臺山出周太史貽余書軸。長尺有奇。厚幾三寸。授二雲轉寄。需葵曾受其書。由武林寄余。而余未之得也。是夕遂治裝至武林求之。歷五旬。又二日。而後得之於望江門外。素不相識之人之手。蓋二年以來。輾轉付託。閱十有餘人。題緘之字。已磨滅殆盡。不可辨識。而緘封且半敝矣。啓而讀之。不惟雙節贈言無恙也。太史從永樂大典輯錄金樓子六卷。命致鮑君以文者。亦儼然在焉。齋達以文。相與忻幸久之。夫需葵與余。竝以衣食奔走。前此之不相見者幾及十年。向非邂逅吳興。余卽再介二雲求之。太史贈言尙可復得。而所謂金樓子者。勢必漸就殘佚。歲月愈深。人事遞遷。其烏從而求之。又烏從而得之。說者謂余之乞言。齋心飲涕。先靈殆呵護之。顧余則以爲太史表微闡幽之力。與以文拳拳稽古之心。實隱隱焉遙相契合。而金樓子之得以善本流布藝林。誠哉有數存焉。然則古今來文字之足以不朽者。其精神不可終闕。類如是矣。余聞臺山歸江右後。早遊道山。今雙節贈言。得補登集錄。而金樓子以

文梓人叢書。豈惟需葵爲能不負二雲之託。抑臺山有知。亦且含笑地下也已。
乾隆四十六年嘉平七日蕭山汪輝祖跋

金樓子篇目

第一卷

興王篇一

箴戒篇二

第二卷

后妃篇三

終制篇四

戒子篇五

聚書篇六

二南五霸篇七

第三卷

說蕃篇八

第四卷

立言篇九上

立言篇九下

第五卷

著書篇十

捷對篇十一

金樓子 篇目

志怪篇十二

第六卷

雜記篇十三上

自序篇十四

雜記篇十三下

金樓子卷第一

梁 孝元皇帝撰

興王篇一

粵若稽古天皇氏、地皇氏、人皇氏、分有十紀。一曰九頭、二曰五龍、三曰括提、案春秋元命包作攝、四曰合

雒、案博雅作雄

五曰連通、六曰序命、七曰脩飛、案春秋元命包作循飛

八曰因稷、案春秋元命包作揭

九曰禪通、十曰疏訖、案春秋元命包

作容成氏、大庭氏、柏皇氏、中央氏、栗陸氏、驪連氏、赫蘇氏、宗盧氏、祝和氏、渾沌氏、吳英氏、有巢氏、朱襄氏、

葛天氏、陰康氏、無懷氏、

太昊帝庖犧氏、風姓也。母曰華胥、燧人之世、有大跡出蠶澤、華胥履之、生庖犧、蛇身人首、有聖德、燧人氏沒、庖犧氏代之、繼天而王首、案首原本作者今依帝王世紀校改、德於木、爲百王之先、都陳、至于共工、霸而不王、

炎帝神農氏、姜姓也。母曰女登、爲少典妃、遊華陽、有神龍感、女登生炎帝、人身牛首、有聖德、以火承木、都

陳、遷魯、嘉禾生、醴泉出、在位百二十年、

黃帝有熊氏、號軒轅、亦曰帝鴻、少典之子、姬姓也。又姓公孫、少典娶有蟠女附寶、見大電光繞北斗樞星、照郊野、感附寶、孕二十四月生黃帝、龍顏有聖德、生而神靈、弱而能言、幼而循禮、案史記作徇、案一作澤、齊長而敦

敏成而聰明。受國於有熊。居軒轅之丘。適與炎帝戰於阪泉之野。三戰然後得行其志。屈軼草生庭。佞人入則指之。又有景星麟鳳之瑞。乃以風后配上台。天老配中台。五聖配下台。謂之三公。置左右大監以治人。得寶鼎。興封禪。帝坐於元扈之上。太一來下有大螻如羊。帝曰。土氣勝。故以土德王。在位一百年。有四妃。生二十五子。

少昊金天氏。一號窮桑。一曰白帝。朱宣帝。黃帝之子。姬姓。母曰女節。黃帝時有大星如虹。下流華渚。意感。生少昊於窮桑。是爲元鸞。姓姬氏。或云已氏。降居江水。以登帝位。以金承土。都曲阜。有鳳鳥之瑞。以鳥紀官。鳳鳥氏以爲司歷正。元鳥氏爲司分。伯趙氏爲司至。青鳥氏爲司開。丹鳥氏爲司閉。祝鳩氏爲司徒。雖案左傳鳩氏爲司空。案左傳鳩氏司馬也。鳩氏司空也。此疑有脫誤。爽鳩氏爲司寇。鵲鳩氏爲司事。五雉爲五工正。九扈爲九農正。天下大治焉。

帝顓頊高陽氏。黃帝之孫。昌意之子。母曰女樞。金天氏之末。瑤光之星。貫日如虹。感女樞於幽房之宮。別案

卷作右脅有九色毛。生顓頊。以水承金。始都窮桑。徙商丘。

帝嚳高辛氏。少昊之孫。蟠極之子。生而神靈。自言其名曰依。案原本脫曰字。今補。發。斷齒。以木承火。都亳。在位

十年。元妃有邠氏女。曰姜嫄。生后稷。次妃有娥氏女。曰簡翟。案世本生契。次陳。豐。案大戴禮記作陳隆。○

生民禮弓疏氏女曰慶都。生堯。次陳。豐。案大戴禮記作陳隆。○氏女曰常儀。生子摯。摯立不善。乃立堯。

引大戴作錄

帝堯字放勛一名同成育陶唐氏帝嚳之子伊祁姓也母曰慶都爲嚳妃出觀河渚遇赤龍而孕寄伊長孺家產甲申歲而生堯丹陵也堯眉八采日角方目足有元武之字手有三河之文豐下銳上就之如日望之如雲黃收案收原本訛作牧今依史記校改純衣彤車白馬冬則鹿裘夏則絺葛采椽不斲土階三等克明俊德以親九族九族既睦平章百姓百姓昭明協和萬邦焦僂氏來獻沒羽常年之人得神獸若羊名曰獬豸堯乃緝其皮以爲帳分命羲仲義叔和仲和叔日中星鳥以殷仲春日永星火以定仲夏宵中星虛以正仲秋日短星昴以正仲冬時許耳之子名曰由字道開一字武仲仲武黃白色長八尺九寸兄弟七人十九而隱堯欲禪之由乃洗耳是後景星曜於天甘露降於地朱草生於囿鳳凰止於庭有鬻蒲案說文鬻作而隱堯欲禪之由乃洗耳是後景星曜於天甘露降於地朱草生於囿鳳凰止於庭有鬻蒲案說文鬻作而隱堯欲禪之由乃洗耳是後景星曜於天甘露降於地朱草生於囿鳳凰止於庭有鬻蒲案說文鬻作而隱堯欲禪之由乃洗耳是後景星曜於天甘露降於地朱草生於囿鳳凰止於庭有鬻蒲案說文鬻作

四岳舉鯀治水九年績庸不成五十年乃更咨四岳得舜乃在璿璣玉衡以齊七政類於上帝禋於六宗望於山川辨案古字辨通升羣案舜典作神堯崩乃葬濟陰城陽廟居齊郡有柏樹死而更生焉舜攝政二十八年堯乃殂三年禮畢舜避丹朱於南河諸侯朝覲訟獄者不之丹朱而之舜舜曰乃天命也初堯教丹朱基以文桑爲局犀象爲子

帝舜有虞氏龍顏大口圓天日角出額重鼻足履龜文目重瞳子身長九尺一寸常夢擊天鼓母曰握登早終瞽叟更娶生象象傲瞽叟頑後母嚳咸欲殺舜使舜入井舜鑿井傍行二十里以孝聞三十而帝堯

間可用者。四岳咸舉舜。堯於是降以女娥皇。案列女傳作英。配之妻舜以觀其內。使九男與處以觀其外。二

女不敢以貴驕事舜親戚。甚有婦道。堯九男皆益篤。舜耕於歷山。歷山之人皆讓畔。耕地得金枝銀節。漁

於蠶澤。蠶澤上人皆讓居。陶於河濱。河濱器皆不苦窳。一年而所居成聚。二年成邑。三年成都。堯乃試舜

五典百官皆治。布五教於四方。堯乃老。使舜攝行天子政。巡狩得舉用事。卿雲出。景星見。西王母使使乘

白鹿。駕羽車。建紫旗。來獻白環之玦。益地之圖。乘黃之駟。綏耳貫胸之民。來獻珠蝦。既陟帝位。以土承火。

都平陽。命禹爲司空。棄爲后稷。契爲司徒。咎繇爲士。垂爲共工。益爲朕虞。伯夷爲秩宗。夔爲典樂。龍爲納

言。庶績咸熙。羣瑞畢集。簫韶九成。鳳凰來儀。擊石拊石。百獸率舞。生子商均。不肖。舜復禪禹。入九疑山。置

銅劍一枚。化爲磔。今濟南歷城有祠。太陽山有虞氏三石闕也。禹卽位後十五年。舜乃殂。禹讓商均。避之

陽城。天下不歸商均而之禹。初商均一名章鵠。

帝禹夏后氏。名曰文名。字高密。母脩己。山行。見流星貫昴。意感。又吞神珠薏苡。胸坼而生禹於石紐。夜有

神光。長於隴西大夏縣。龍角。珠庭。虎鼻。大口。兩耳參鑊。案淮南子作洞。別卷又作鑊。首戴鈎鈴。身長九尺九寸。胸有黑

子。如玉斗焉。手長至膝。脰無毛。左手中十七黑子。爲人敏給克勤。其德不遠。其言可信。聲爲律。身爲度。乃

遂與益。后稷。奉帝令諸侯百姓。案史記作奉帝。命諸侯百姓。傷先人父繇之功。不成受誅。乃勞身焦思。過門不入。而洪

水平。既陟元后。以金承土。都平陽。或營安邑。薄衣食。而致孝於鬼神。卑宮室。而致美於黻冕。陸行乘車。水

行乘舟。泥行乘橈。山行乘櫟。神鹿出於河水。天錫元圭。乾吾國獻裘。毛有五采。復薦咎繇於天。將以致禱。會咎繇終。復薦益。禹殂。葬會稽。廟中有鐵屣。鐵莢石船。廟裏有塗山神姑之像。珠璣爲帳。寶玉瑤華。諸廟莫及。當中山水之盛。良辰吉日。羅綺袞服。滿橋梁之上。皆金翠爲飾。神又甚靈。彼人所敬。初禹娶塗山氏之女生啓。三年喪畢。益避啓。人不歸益而歸啓。一名建。一名余母。化而爲石。啓卽位。伐有扈氏。啓庶兄也。夏禹氏絕。少康出於寶之中。復禹跡也。

成湯。姓子名履。字天乙。狼星之精。感黑龍而生。高天廣角。隆準。手有縱理。如印綬之文。豐下兌上。哲而有鬚。長九尺四寸八分。凡有七號。一名姓生。二云履長。三云庠肚。四云天成。五云天乙。六云地甲。七云成湯。成湯始居亳。從先王居。作商誥。湯征諸侯。葛伯不祀。湯始伐之。湯曰。汝不能敬命。予大伐殛之。無有攸赦。作湯征。伊尹號阿衡。阿衡欲干湯而無由。乃爲有莘氏媵臣。負鼎俎以滋味說湯。致於王道。湯謂之曰。自進。非道也。乃令還其本居。使人聘迎之。五反。然後從之。任以國政。白狼銜劍。有神人身虎首。獻玉鏡。白狐九尾。諸國貢玉盤。入自北門。遇女房。作女房之歌。案書序作遇女媧女房林樹久不花。一旦生如鳳翼。湯出。見野張網四面。祝曰。自上下四方皆入吾網。湯曰。噫。盡之矣。乃去其三面。祝之曰。欲左左。欲右右。不用命。乃入吾網。諸侯聞之曰。湯德至矣。及於禽獸。當是時。夏桀爲虐政淫荒。而諸侯昆吾氏爲亂。湯乃與師率諸侯伐桀。敗於有城氏之域。葬於鳴條之野。乃改正朔。服色。朝諸侯。崩葬於濟陰亳縣東北郭去縣三里。冢高七

尺。漢哀帝時遣大司空行湯冢。又說曰。殷湯無葬處。此言非焉。武丁大戊竝賢君也。

周文王昌。狼星之精。母曰大任。夢長人感。已有胎。目不視惡色。耳不聽淫聲。以胎教之。洩於豕牢。生文王。龍顏虎眉。身長十尺。胸有四乳。卽位爲西伯。有雀生鵲於殷城隅。文王增脩政三年。四方諸侯皆服。崇侯譖之於紂。紂不納。費仲又言於紂。欲誅之。紂不從。九年春三月。率六州諸侯朝於殷。崇侯虎又譖之。紂怒。囚文王於羑里。雖有憂患。方脩先聖之業。廣解六十四卦。著其卦詞。謂爲周易。時謂西伯爲聖。紂疑而未達。長子伯邑考。質於殷爲紂御。紂烹之。爲羹賜文王以試之。實聖當不食子羹。文王得而食焉。紂笑曰。誰謂西伯聖者。食其子而尙不知。紂謂西伯曰。譖汝者長鼻決耳也。文王曰。此崇侯虎之狀。紂赦文王。四十年春正月庚子朔。文王在鄆九州諸侯咸朝。五緯聚房心。周之分野。時有烏銜丹書。集於周社。文王乃獻洛西赤壤之國方千里。請除炮烙之刑。紂許焉。賜以弓矢鉞鉞。使專征。天下大悅。有鳳凰銜書而至。文王稽首受命。是歲卽位。化被江漢之域。以受命之始年也。

周武王發。望羊高視齟齬。生而有光。太公周公作輔。武王渡河伐紂。中流白魚躍入舟。長一尺四寸。一說云丹鯉。未知孰是。武王俯取以祭。旣渡。有火至於王屋。流爲烏。其色赤。其聲魄云。是時諸侯不期而會盟。津者八百。諸侯皆曰。紂可伐也。武王曰。未可。乃還歸。居二年。聞紂昏亂。暴虐滋甚。殺王子比干。囚箕子。太師疵。少師彊。抱其樂器而奔周。戊午。師渡盟津。諸侯咸會。共案古文共恭通行天罰。甲子昧爽。武王朝至於商郊。

牧野。乃誓。武王左仗黃鉞。右秉白旄。紂聞武王來。亦發兵七十萬人距武王。紂師雖衆。皆無戰心。心欲武王亟入。及紂師皆倒兵以戰。以開武王。武王馳之。持太白旗以麾。諸侯畢拜武王。王乃揖諸侯。諸侯畢從武王至商國。商百姓待於郊。於是天錫黃鳥之旗。遂入至紂死所。武王身射之。三發而後下車。以輕劍擊之。以黃鉞斬紂頭。懸之大白之旗。肅賁氏獻石柅楮矢。苦庭之國。獻文犀紫鼈。命釋百姓之囚。表商容之間。命南宮括散鹿臺之財。發巨橋之粟。以賑貧弱。時夷雍之子。名伯夷。叔齊。不食周粟。餓於首陽。依廩鹿以爲羣。叔齊起害鹿。鹿死。伯夷悲之而死。

漢高祖劉季。父名執嘉。母曰含始。入池中浴。見玉雞銜赤珠。名曰玉英。吞之有孕。昔孔子夢三槐閒。豐沛邦有赤蛇。化爲黃玉。上有文曰卯金刀字。此其瑞矣。帝美髭髯隆準。容受直言。好謀多欲。平秦楚之難。撥亂反正。雖不脩文學。而性明達聰。自監門戍卒。見之如舊。初從民心作三章之約。天下既定。命蕭何次律令。韓信申軍法。張蒼定章程。叔孫通定禮儀。陸賈造新語。又與功臣剖符作誓。丹書鐵券。金匱石室。藏之宗廟。雖日不暇給。規模宏遠矣。

漢太宗恆。卽位。宮室苑囿。車騎服御。無所增益。有不便。輒弛以利民。嘗欲作露臺。臺基已成。將構。召匠計之。直百金。乃曰。百金。中人十家之產也。吾奉先帝宮室。嘗恐養之。何以臺爲。身衣弋綈。所幸嬪夫人。衣不曳地。幃帳無文繡。常集上書囊以爲殿帷。兵器無刃。以示敦朴。爲天下先。葬霸陵。皆瓦屋。不以金銀銅鐵。